摛藻堂四庫

全書

薈

曾要

子部

欽定四庫全書管要母定廣奉芳譜卷六十

詳校官主事是陳木

花青白開於二三月狀 <u>ر</u> ا 定四庫全書會要卷一萬六百二十三子部 佩文齊廣羣芳譜卷六十 抱形團圈 加支 þ. 2 名丹荔一 御定廣奉分語 為斧 如惟益葉如冬青緑色逢逢四時常 a一名 釘坐真人樹髙數丈自徑 名離支見上 如橘又若冠之鞋綾五六月結 枝胝 而南 带記 至 可木

出顏 每下子百斛 紅肉淡白 亦 郡 南 ス 皆有之以 及巴中 傷 如初 實著 人覺熱以蜜聚解之或以殼浸 如 生松 -今閩之泉 肪玉味甘多汁夏至 五六月盛熟時彼 閩 毬 而陳 中為第一 琦 (5) 家 如熟蓮子殼 福漳興蜀之嘉蜀渝 蜀 第 次之顏 地皆無會其 寸 一将中翕 有皺 水 紋 南 如羅 為下 飲亦 紙 涪 俱

家然小美陳名得自證 欽 若天淡而 定 亦紫方亦雖 **糸工** 不牙 夫下 失名 Ð 官泉常無如而然下無 厚第味狀 車 有核之小類徑等酥皮一之也 出海 員 44 全 游 周 己二 大 刺 药惟支 泉而 外第 州味 盖一 御定 紫 家出村紫肌支原以 少承出 一家都實種《上與色實種理皮紫甘 品法大出方初化外大似黄膜之為 -草 紅石過陳 紅為屯俱過陳 色形於味 生於白之紫 田美之紫附色色鞋 14 出第 在荔其出水 1, 而一! 郎哉 核一味百 福支大法院此及 中生陳而有香干 州為次石支為陳方一紫赤類自樹 堂極於院俱髮次紫緣二 時實食陳拔莫 前品蓝色出多龍家百 有心之紫其有 大紅白與而牙宋 想陳 有則類同 江 化淡寸長 公 核紫查巴此者 無軍以灣可 荔 者差 食為 所過 上曲三 支 因小 巴中以甘 色放紫類 如四如實 紫厚差陳 藍 而又而品為與

世的支垂雙娘何度長因此天味 以為 蚁此色 家 厚二以官慶微 |色支| 頭 因深 紅 內寸 得種 觀避 荔溪顆得紅何出澀餘名之 出 為紅可賴名而氏章我朱級 異此施紅或細 州 追 柿 核 內出 丁頭而云長 圓 紅柿色支賴 薄南 香 髻小物閩 丁 | 环色| 而制核類 関越 荔 珍 之王 香 瑁紅大如紫江 四支珠美有銳丁出有 唐. 亦核 荔 少女此香城黑度 此色十 月 熟問小支者行獨為東點有色核丹 药图為十圆支 期青紅獨而 支白十八雨皆疏紅紅紅椒小 有甘! 预丁 之如八好香旁黄類大 荔 秋核香 蜜最珠娘食味蒂名以虎絕將 元 紅荔 紅荔小無惠尤大以色皮與軍 小無意大以色皮腹 名以粉十每 火出硫心苦 然 日 紅平 十 福 首 名以時五 名晚過為 荔 蒂数 八州故之状有代

將 徐 'n 勝差 種福 支 紅 增 Ē 煽 羅 洞 在州 軍 中 9 } 荔支 銀荔 報府 熊 **%**, 透 紅 团 廣 2 譜 泂出 寺 茅 支 將 骨 中荔支譜玉英子 En /柳定廣屋方語 故宿 軍 00 不意子 名族 牂 駈 星 蹄 紅 打 名 毬 甘長 故福 蠟 浦 僧 紅 杀人 桃 名州 紅枝 者 沙沙 飠 生産 榕 之 頭 徐 蠟 扛 山 燋 116 極 ス 色上 水 核 深鋭 松 * 葉 堂 טט טט 野 見 英 母子 葉 Ŧ 前者 子 萩 <u>Ŧ</u> 狀 ŗυ す 沉 五 蚛 香 他 元 荔 色荔支 橘種 紅 皮 5 支 園 味賴 語 而似 鞘 者母圆金 清極 如色味梭甘

早海熟七方色热如書 熟核蒂如無難 味山 月終紅時山內皮時小處雜核子 不其 天 語長實棒豐厚香皮基子者核 甚熟 柱 所二與無七剌間光平近食皆 高樹|載寸|葉核|月共|数味|金|之如 山大極與許無味熟味里清線中甘丁 金山此上 辨最 日桂金實脆香 鐘中将下清鐮林線園有亦 微質 別 異俱 紅 玉 味皮 界刺 韻有 此實難繡波及日為其外體 中易大引鞋實際厚中有頭 秋湖而子核實似原金鳳大皮 線 熟阅其一如小金水鐘池如鏡 最色味的大杂丁而瞳甘色形 起 慢擘 做易者數香料 緑如如味實順味 酸将核十味形 珠 母 垂 重 日 甘 名微温温小枚極如呼一砂皮 中 唇 中酸馬小大甘用緑名水器 别盤 秋點 先人者小美杰高結 世 篇 観亦 味皮 松白無措龍文緑 厚體呼甘處 相 新實 核出 牙 實俗 勝 國中大原

サ類蕾 Ġ. 紅 ?) 雞 其 桂 湿 皮 杏 微斑 香林大厚 松 月干 謨出 内 紅 倍皮如而 心之 御定廣草芳語 紫 級| 故蔡 紅扁鹊 於微 瑙 無明白 泉黃 居君 紗 窜 水 囊 品味 核甘 袍一 百步蘭壽 牛 鵝 溜 味名 紅 ÓP 甘 緑 宋家 黄 刺皮 雞 玉 三極 杏 杏 蹇紅無 四大 甜 玉 窰 宋核 堂 虚段 西 公小 握酸微 九 紧 紅 皴 摄 黄 樹味 药 玉 將 者甘 甘 軍 瓶或 囚 问 因傳 郎官 香 帽 厚 名自 凡 鷀 紅 盛實 出類 紅 瑞 石 狀實 印 皮如 \$

柳 紅 紫 郎 蔭穀 卵 種實是 游紫本為同生方 冰 物異名火山海 秤最 團 畝山 錘大 椰 鍾频 味瓜 七 進力是 綵 9 鐘 即三 上タ 紅 君十 17. 如其葉 馬, 何 山均是早熟 紅 綵 譜丈 周 家中 典中元黄玉原 黑熟紅皮 大 紅木甚區 余家 葉最稍紅 綵 宋 可 大儿 味先 公十 鷩 味狀 綵 甘實 樹 半 甘元 ЯP 也二 别 麻 原 圉 都慶家荔支譜 中 卵皮 有 小子毅王監 星 将 餅 核紅 南味質 :緑色蠟 軍 海 PP 酸黑粒繁 陳紫緑

荔支以與化之楓亭驛為最長樂次之性甘微熱止渴 益智健氣病齒及火病人最忌 皆有也王敬美曰荔支以狀元香為最然不如長樂勝 或言州郡皆識其所出或不言姓氏州郡則福泉與漳 娑可爱在漳泉者四五月熟然內薄味酸能損齒又云 風味楓亭驛荔支甲天下亡論丹實累累而樹亦極婆 畫內厚而味甘當為種中第一弟乾之不能如狀元香 皆品之奇者本處亦自難得共計三四十種或言姓氏

十里有十二門四隅作浮圖民皆居中鉛錫為瓦荔支 海軍節度使姻親或干以財率不答但寫為支圖與之 支賜單于母及諸閼氏 **霥考增後漢書南匈奴傳漢遣單于使令謁者将送賜** 絲縛千匹錦四端金十的大官御食醬及橙橘龍眼荔 送走數千里味未變已至京師 增唐書南蠻傳婆賄伽盧國以青魔為圓城周百六 后如傳貴妃楊氏嗜荔支必欲生致之乃置騎傳 原唐書地理志戎州貢荔支 劉崇龜傳宗龜為清

曾過友人陳廣漢廣漢為之取酒鹿脯數片日有倉卒 華實帝亦珍惜之一旦姜死守吏坐誅者數十人遂不 帝元鼎六年破南越起扶荔宫以植所得奇草異木土 客無倉卒主人元理曰俎上蒸苑一頭厨中荔支一枓 復将矣其實則歲貢馬 **木南北異宜歲時多枯瘁荔支自交趾移植百株於庭** 一生者連年猶移植不息後數歲偶一株稍茂終無 宋史地理志福州貢荔支 增西京雜記曹元理明等術 原三輔黃圖漢武

· 足司·車至 一一/御定属奉芳語

本以薦奉宗廟尚有傷害豈愛民之本其物大官勿後 尊不以果實為珍伏見交趾七郡獻生龍眼等鳥驚風 上不以滋味為德下不以供膳為功故天子食太牢為 承後漢書舊南海獻龍眼荔支十里一置五里一城 皆可為設廣漢再拜謝罪自入取之盡日為歡 時臨武長汝南唐羌以縣接南海乃上書諫曰臣 南州土地惡蟲猛獸不絕于路至於觸犯死亡之害 二物升殿未必延年益壽帝於是下詔曰遠國珍羞 原 謝

受獻由是遂省馬 勝蜀者故每處飛馳以進然方暑而熟經宿則敗後人 正月十五夜玄宗於常春殿撒閩江紅錦荔支令宫人 食之常冠带好種為食其絕實焉 設厨膳命士大夫共會樹下食之 搜神記冠先生宋 人也釣魚為業居睢水旁百餘年得魚或放或賣或自 國史補楊貴妃生於蜀好食荔支南海所生尤 華陽國志江州縣有為支園至熟二千石常 增吳録蒼梧多荔支生山中人家 原影燈記天寶中

广

到 車 至 25 | 柳定廣草芳語

皆不知之 子午谷路進入 增清異錄 領南荔支固不速閱蜀劉 支俄項進二花皆連枝葉各數百鮮明芳潔如纔折下 首楞梨為副櫻桃為三柑子為四蒲桃為五或薦荔支 日當舉之首 官人呼為丁香子 蜀志唐天寶中取治州荔支自 顏色不老宣宗召入內廷因語京師無直遠花及易 原開元天寶遺事明皇令方士以樂傳荔支根得核 增國史補李直方嘗第果實名以緑李為 杜陽雜編 羅浮先生軒轅集年過數百

富多以為支為業園植萬株一樹可收一百五十斛又 荔支園郡國志云僰住施奏中最賢者古所謂僰僮 情爭底事青明經對赤祭軍 次至日十年五三一一一柳定廣東方語 為一絕云閱誇玉女含香雪吳美星郎駕火雲草木無 赴詞會京師旗亭各舉鄉產閩士曰我土荔支真壓枝 **鋹每年該紅雲宴正紅荔支熟時** 天子釘坐真人天下安有並駕者撫人不識荔支之未 者故威主楊梅閩士不念遂成喧競旁有滑稽子徐 寰宇記式州僰道縣有 閩士赴科臨川 絳囊翠葉鮮明蔽映數里之間焜如星火非名畫之可 萬株城中當州署之北鬱為林麓暑雨初霽晚日照耀 植最多延施原野洪塘水西尤其盛處一家之有至於 與之得者自以為幸不敢較其直之多少也 千計不為滿意陳氏欲採摘必先閉戶隔墙入錢度錢 他果不復見省大重陳紫富室大家歲或不喜雖别品 有荔支灘 語與化軍風俗園池勝處惟種荔支當其熟時雖有 廣州信安縣有連理荔支樹 原蔡襄荔 福 ᄽ

請買之上曰不可今買來歲必增上供之數流禍百 灾 定四車全書 → 柳定成左方語 書仁宗一日思生荔支有司言已供盡近侍曰有鬻 計林斷之以立券若後豐寡商人知之不計美惡悉 ,鄉人得飲食者益鮮以其斷林鬻之也 紅鹽水浮陸轉以入京師外至北戎西夏其東南舟 新羅日本琉球大食之屬莫不爱好重利以酬之故 而精思之可入也觀覽之勝無與為比初著花時商 人販益廣而鄉人種益多一歲之出不知幾千萬億 增程氏遗

客皆笑其陋荔支實無所似也僕曰荔支似江瑶柱應 甚比開籠時香滿一室供奉李龜年撰此曲進之宣賜 每歲忠州置急通上進五日至都天實四年夏荔支滋 南方進荔支因名曰荔支香胜説云太真妃好食荔支 山楊貴妃生日命小部張樂長生殿奏新曲未有名會 者皆憮然 無窮 甚厚楊妃外傅云明皇在驪山命小部音樂於長生殿 東坡雜記僕當問荔支何所似或曰似龍眼坐 碧雞漫志荔支香唐史禮樂志云帝幸縣

東提刑韶州公宇西軒有荔支數本中夏時荔支方熟 他二年進士守嘉州手植荔支於郡圃賦詩有留取清 其下二廣人傳異之 通志 莆田方慎從字惟之宋景 乃開西軒見壁上有詩曰吾儕今日會嘉賓滿酌洪鍾 琪将召刺史賞燕一夕荔支皆空皮核滿地琪深訝之 **異要是明皇時曲** 奏新曲未有名會南海進荔支因名荔支香三說雖小 酒數巡遍地狼籍不知晓荔支又是一番新荔支皆積 清瑣高議治平中長沙趙琪作廣

旁級是豈人力所能加哉初方氏有樹結實數千顆欲 容齊隨筆莆田荔支名品皆出天成雖以其核種之終 不可以理求或似龍牙或類鳳爪釵頭之可簪綠珠之 勿生旁枝其核自小里人謂不然此果形狀變態百出 後無陳紫過墻則為小陳紫兵筆談謂焦核荔支令 其本不相類宋香之後無宋香所存者孫枝爾陳紫 蜀部學嘉父老擁車誦慎從詩為賀前言若券 傳子孫之句至大觀中曾孫僖以殿中侍御史持節 志在俗任廣州家有乳嫗善為小伎嬉戲一日抱嬰兒 載遊齊問覽中郡士黃處權復志其詳如此 繁茂逮至成熟所存者未嘗越二百遂成語識此段已 為目之日方家紅著之於譜印證其妄自後華實雖極 重其名以二百颗送蔡忠惠公給以常歲所産止此公 增夷坠

戲門前見有持福荔過前兒欲之不得媼曰我別有計

乃取小盒子置几上旋發視之則滿盒皆易在俘開

駭異欲窮其術媼笑曰此乃神術官人試觀之拉詣其

P 1. 1.5 | /御定廣軍方語

異記福建官譚微之元符末出郊見一園為支垂熟微 大而美名曰亮功紅亮功紅者深家御書閣名也靖康 嚼破天漿沁齒寒却憶當年妃子笑紅塵一騎過長安 肉 之採食少憩樹下朦朧中夢至一室美人盛服出迎攜 老學庵筆記余深罷相居福州第中有為支初實絕 嫩色嬌丹鳳髓皮枯稜溫紫雞冠咽殘風味清心渴 而入飲問吟云妾生原在專閩間六月南州始属盤 酒坊時坊用大釜煮酒媪跳入其中逐不見矣

蔡追肩吾皆住士相與同樂薛許昌亦當以成都幕府 荔子熟時凌雲山安樂園皆盛處糾曹何預元立法曹 中深謫建昌軍既行荔支不復實明年深歸荔支復 來攝郡未久罷去故其荔支詩曰歳杪監州曾見樹時 下種荔支成實微廟手摘以賜無帥王安中且賜以詩 紅塵飛輕過燕山 予參成都議幕攝事漢嘉一見 保和殿下荔支丹文武衣冠被百蠻思與廷臣同 乃知世間富貴人皆有陰构之者,宣和中保和殿

AU 日三三人三三一种定廣東方語

陷之白席遽唱言曰資政與荔支請衆客同與魏公僧 魏公自樞密歸鄴赴一姻家禮席偶取盤中一荔支欲 橋邊多酒家遊人愛向誰家宿此未當至成都者也成 昌成都曲云錦江近西煙水緑新雨山頭荔支熟萬里 北方民家吉凶縣有相禮者謂之白席多鄙俚可笑韓 及眉半有不益眉之彭山縣已無荔支矣况成都乎 無山亦無為支蘇黃門詩云蜀中荔支生嘉州其餘 入座但聞名益恨不及時也每與二君誦之 張文 支東六萬顆元豐四年增減價本錢一百七十二絡有 味皆可僕視瀘戎矣 三山志大中祥符二年歲貢荔 柯西南一柯獨肉厚而味甘 摘荔支之句是時閩品未有聞至今則閩品奇妙香 騎紅塵如子笑者謂瀘戎産也故杜子美有憶向瀘 [廳在戎州倅廳名曰萬朵紅又一本在尉廳一樹 下荔支魏公為一笑惡發猶云怒也 鶴林玉露荔支明皇時 方與勝覽協

<u>ء</u>

ĥ

1. 15 / 御定廣華芳語

其喋喋因置不復取白席者又曰資政惡發也請眾客

奇歲以銀輸左減庫三年條次貢物如祥符之數元祐 名為常貢崇寧四年定歲貢亦如之建炎三年罷圓荔 煎三十瓶元豐三年條次貢物如祥符之數元祐元年 能為支煎大中祥符二年定額一百三十瓶丁香為支 觀元年又增三千政和增貢一萬宣和於祥符數外進 元年定為常貢數亦如之崇寧四年增一萬三千颗 支崇寧四年定藏貢一十萬顆大觀元年增一萬宣和 八萬三千四百七年損抑貢物減政和之半建炎三年

句 實者置再器中航海至闕下移植宣和殿錫二府宴賞 武帝破南越建扶荔宫以荔支得名也此荔駢生若十 也荔支盛暑方熟詞意雖美而失事實 丹鉛總錄漢 生荔支紹與初始貢至二十四年罷宣和問以小株結 明皇以十月幸驪山至春即還宫是未嘗六月在驪山 御製有詩示羣臣時太军余深有賜比西山藥一九之 中增十萬六百類七年减政和藏貢之半建炎三年罷 詩話總龜杜牧華清宫一詩尤膾炙人口據唐紀

武尼四事全書 一柳定廣草芳語

時事不欲直道也黃山谷題楊妃病齒云多食側生損 其左車 則特好奇爾 熟丹宫滿玉壺諱荔支為側生本之左思張九齡然以 旁挺龍目側生荔支故張九齡賦荔支云雖觀上國之 州守伐作梳權數百副至今蜀人傳為話柄 娘之類曰扶荔者亦若扶竹扶桑云 相傳李唐時物也實甚美太真妃最所鍾爱嘉靖中 而被側生之韵杜子美絕句云側生野岸及江浦不 原錦湖埜談四川基州為支一 左思蜀都賦

有名園當春時縱人遊賞至三月将暮芍樂盛開天氣 荔支園紀異吳人胡百能為李平叔言其族人居姑蘇 香味俱絕遂得一飽戰因笑曰可無恨於瘴鄉矣 得名耳忽一日鬱林指揮周宣以急足馳送數百顆色 中有解務為之色動試當之乃酸澀不可入口意謂浪 珍果為昔賢所爱嗜如此余以初夏至涪偶宴客見盤 雜佩蘇長公在海外有詩云日啖荔支三百顆不妨長 作顏南人至一藏荔支不熟遂有空寓蘋表之語遐方 增

意黄水非士庶所服回望之已無所覩但得荔支殼十 其樹迄今亭亭獨茂果實豐美非有力者歲不得當樹 共飲侍女六七人顏色殊艷亟趨避之既去百餘步竊 枚其大如鵝卵芬香觸鼻袖之以歸見之非世間物 開其上笑語雖治就視之見供帳甚齊數黃水少年 有井亦徐公所鑿井中横亘一石其泉左重右輕更 和士女羣集权偶獨行散步至園角小亭最居幽處 瀟瀟齊筆談延壽紅乃宋狀元徐公鐸所手植

也然蚤摘味酸殊不堪嚼余友鄧汝高視滇學時點國 京雲南志土獠以採荔支販賣為業則滇南亦有荔支 恐五城十二樓中樂或未易誇此也 千頃齊集元李 嚴之為皆移植於楓亭者自謂於斯果有緣住味不乏 墩之品本是陳紫今半屬林晉伯園林余羣玉山及西 為奇異暑月龍戰樹下及井洪浸荔風味倍增蔡宅之 林歲不多生而色香味殊絕半或無核足稱珍品霞 即蔡端明舊里荔樹冠附郭諸處蔡氏宗祠中緑紗

P 习 三 d 1 与 柳定廣草芳譜

精宋福清翁昭文者先儒亢之從子也圓中非時生荔 的唐書並防詩祭君謨譜謂愛嗜涪州荔支歳命驛致 走皆從林邑山是知貴妃所食為支實出南海已見劉 月荔支初破顔朝離象郡夕函闗雁飛不到桂陽領馬 馬通進南海荔支七日七夜達京師防作雜感詩云五 為嘉客紅 支其母曰豈有嘉客踵門即頃之莆田林光朝至因名 飾子道協所當啖者或以採荔之枝誤矣 唐鮑防襄州人天實末舉進士時明皇詔

禁諸品遂與閩産伯仲耳 坡以為治州未得其真近閱治州圖經及詢土人云治 自南海杜詩亦云南海及炎方惟張君房以為忠州東 南方之珍惟荔支矣其味絕美楊梅盧橋亦可投諸藩 間惠州荔支味酸樹亦甚少至東莞斯多斯佳五羊黑 涵故東坡詩云南村諸楊北村盧直與荔支為先驅也 浪齊便録曰唐世進荔支貢自南方楊妃外傳以貢 徐物荔支譜梁蕭惠開云

1.1) 与 1.1. | / 御定廣至芳譜

羅景綸以為一騎紅塵乃瀘戎之産恐惧矣

客惠紀

已八九歲亦啖一枚云 宋珏荡支譜食荔清福三十 也然事亦奇異矣稚明為太湖總練親與予言時稚明 客子孫玩賞累日以示識者皆云此東粤為支非関種 鮮荔支一穗共七枚廻翔而下視之皆如新摘 家巨富養鶴數十隻中一隻飛去七日不歸及歸口街 一歲命驛致又曰洛陽取於嶺南長安來於巴蜀此實 有妃子園荔支故君謨譜曰天寶中妃子尤爱嗜涪 厉 後人不復置喙矣 に人ること 秣陵武進士孫稚明其父在日 孫召賓

觀 啄蜂蟻蛀蒂烈日中摘斷林剝漬糖蜜無清泉點茶不 帳中殼堆苔上膜浮水面色香味全隔竹聞香土人忽 頭箕踞住人剝乳泉浸蜜聚解臨流對鶴樓頭縣騎出 無偷摘同好至晚凉新月浴罷簪茉莉拈重碧微醉科 三事開花雨時結實風時次第熟雨初過裏露摘護持 食者在數核啖不得飽溪水浸腥鹹解魚肉側殼 名品當過檢譜辨核貯白磁盆懸青筠籠著白苧掛 又食荔黑業三十四事暴雨如風偷兒先當鳥嘴

欽

定四庫全書一一御定廣奉芳譜

自有便路也按蜀志補云高都山在梁山縣北山中有 不七日可到昔宋景文作方物器言荔支生嘉戎等州 名其實不如瀘叙耳 涪州圖經云州至長安有便路 之品為上涪州次之合州又次之涪州徒以妃子園得 鄙忌熱勸莫餐色香稍變白曬焙乾不識品核無釀法 有迹醉飽後市販爭價説貴賤惡詠握博懷藏主人性 以去長安差近疑為楊妃所取益不知治有妃子園又 松蕾出樹杪如晨星 鄧慶家荔支譜蜀中荔支瀘叙

二十里崖旁多荔支 合州學士山機昔有張氏荔支 支軒在閩縣南玉泉寺 四川志荔支灘在慶符縣北 詩云此去選來拳項月夢魂應到荔支園 盛楓亭驛荔支遂甲天下 榕城三山志鳥石山宿猿 結秦晉因得傳其種而楓亭地宜荔彌山被野所產最 宋元豐間状元徐鐸所植楓亭薛奕文武两魁也與鐸 古驛路乃天寶貢荔支所經也 钦定日庫全書 即定奏奉另係 洞前舊有荔支樹極住名曰洞中紅古靈陳襄贈湛俞 曹蕃荔支譜狀元香 一統志務

集藻狀增宋曽箪福州擬貢荔支狀右臣竊以禹貢揚 郡守馬元類魯有開於山麓修池種連栽務雜果凡數 五月荔支天 原夔州府志萬縣西山上有絕座愈宋 御製詩賜之曰横浦江南岸梁家間世賢一枝連理木 志元豐間横州大理丞梁世基宅生連理荔支神宗有 廖氏黄庭堅詩廖致平家緑荔支即此山所出 異本合幹 定跨山在叙州府西百里山坡荔支多屬 百本景物清勝為變路第一

者未當以獻益東漢交趾七郡貢生荔支十里一置五 飲定四庫全書 柳定人東方時 歲貢皆乾而致之然貢益為常品相沿已久其尤殊絕 故園粤荔支食天下其餘被於四夷而其尤殊絕者閩 自陷庭場圓至於山谷無不列植歲取其實不可勝計 人著其名至三十餘種然生荔支留五七日軟壞故雖 比巴蜀南海又為殊絕閩專官舍民盧與僧道士所居 二帝三王所未嘗易也為支於百果為殊絕產閩粵者

州厥包橘柚錫貢則百果之實列於土貢所從來已久

步卒使之日行兩驛固不為勤且煩非有勞人費財之 可多致岩每種蔵貢數百或至干數每州不過用三五 往屬厭而太官不得獻之於陛下陛下不得獻之於宗 之然顧常品其尤殊絕者則抑於下土使田夫野叟往 自巴蜀驛致實開侈心當陛下之時方以恭儉寡欲為 里一候晝夜馳走有毒盛猛獸之害而唐天寶之間亦 天下先固不可得而議及於此也至於歲貢既乾而致 两宫使勞人費財如此可也益務支尤殊絕者固不

領於有司備無賜之用者自如故事益建安貢茶自蔡 州各擇其尤殊絕列於名品者差其多少以時上進其 此臣之所以不敢安也故臣常欲至荔支成實約旁近 敢慢今邦城之内守藩之臣劾其貢職而曾不知出此 冬春夫蠻夷異類贄其方物皆知用其土産之良而不 至於經歲則所存者特其浑益而已而每歲貢入常至 在六七月問雖乾而致之然新者於其甘滋猶未盡失 患而修貢者不知及此此臣之所未諭也又荔支成實

欴

包司車至書 一個定廣草芳谱

序原唐白居易荔支圖序荔支生巴峽問樹影團團如 星著天 政增齊孔稚珪謝賜生為支啟緑葉雲舒朱實星映雜 致臣之恭於其貢職此臣之官守也 得貢其尤者則閩粵之產選擇而充庭實者始備所以 襄易以小團而茶之絕特者始得獻之天子今荔支復 而靈華數大火中而朱實繁灼灼丹華吐日離離繁 昔聞睡睡今親信西城之住珍諒東鄙之未識角昴

變二日而香變三日而味變四五日外色香味盡去矣 作以之備方物於是始通中國司馬相如賦上林云答 荔支之於天下惟閩粵南學巴蜀有之漢初南粤王尉 識者與識而不及一二三日者云 宋蔡襄荔支語序 甘酸如體略大器如彼其實過之若離本枝一日而色 帷益葉如桂冬青花如獨春榮實如丹夏熟杂如葡萄 元和十五年夏南賓守樂天命工吏圖而書之益為不 如机把殼如紅網膜如紫絲熟內堂白如冰雪聚液

灾 三四事全書 一柳定廣季方将

長唐羌上書言狀和帝詔大官省之魏文帝有西域蒲 十里一置五里一堆晝夜奔騰有毒蟲猛獸之害臨武 即唐天實中如子九爱嗜涪州歲命驛致時之詞人多 桃之比世機其緣論豈當時南北斷隔所擬出於傅聞 **逻離支益夸言之無有是也東京交趾七郡貢生荔支** 取於嶺南長安來於巴蜀雖曰鮮獻而傳置之速腐爛 又圖而序之雖髣髴顏色而甘滋之勝莫能著也洛陽 所稱詠張九齡賦之以託意白居易刺忠州既形於詩

還道由鄉國每得其尤者命一寫生革集既多因而題 之而未始遇乎人也予家萬陽再臨泉福二郡十年往 品雖高而寂寥無紀将尤異之物告所未有乎益亦有 之下等是二人者亦未始遇夫真荔支也樹中惟四郡 所出大率早熟肌內薄而味甘酸其精好者僅比東閩 也九齡居易雖見新實驗今之廣南州郡與夔梓之間 之餘色香味之存者亡幾矣是生為支中國未始見之 有之福州最多而與化軍最為奇特泉漳時亦知名列

钦定日東全書 一种定廣至分語

散逸不收則子墨之失職而山林之曠典也維時朱夏 其名益者世代既避種類日彩騷人韻士題品漸廣然 福江橙之右少發光彩此所以為之軟惜而不可不述 一然性畏高寒不堪移植而又道里遼絕曾不得班盧 名徹上京重於當世是亦有足貴者其於果品卓然第 側生斯出名題於西川貢珍於南海吾閩所産實冠彼 目以為得始夫以一木之實生於海瀕嚴險之遠而能 增明徐励荔支譜序荔支自宋蔡忠惠公譜録而

虞夏商周既不錫於禹貢曾何圖於王會豈非生絕徼 者難以充君之危也自尉忙備物相如作賦以來貢威 蜀之住果也實號珍腴樹稱長壽色味不一品類繁滋 小子其何敢解馬 深愧聞見未彈筆礼荒謬博雅君子将屋掛漏之識子 題品則專取吾閩事則兼收廣蜀物匪舊存品惟今疏 四郡品目之殊陳生植制用之法守羅事實雜采詠 屠本暖荔支譜序荔支者閱廣巴

可謂盧橋嘶香楊梅避色者矣爰儉祭書別構兹譜

NO DIP de Man W 御定廣摩方語

童

鹽白曬紛馳於趙宋矣明與一切報罷俾英英仙品遠 見絲苞之錯落瓊動剖进討甘液之旁唐齒類浮香眉 移貳閩鹾越明年時惟朱明届節丹枝離柯翠姬舒張 宜然本畯年在孩提從先公總憲領南知食而不知味 於漢帝而交趾置城名傳於唐妃而治州遣騎其後紅 每覽君該子固之書報動三山九祭之想萬思乙未 廟廊之中灼灼靈根偃息瘴蠻之地人固有之物亦 在稚齒從先公左轄閩中知味而不知品今年逾知

慧飽啖是宜客有談楊梅勝於荔支者又有談龍眼 於今十而三四徐生所增奇名異品十而六七将五百 宇競夾矣古今人啖之不足故歌詠之歌詠之不足 年間僅二語馬搞藻固難考索未易其不然數伊余不 後色香味品悉爾無遺生植採製粲然大備使食者可 從而譜之於是宋蔡君謨開美於前明徐與公扶奇於 品以按圖閱者可按圖而索品矣自蔡公所傳名存 伯仲者不慧初啖謂客言為然遇當乃知耳食非

身 三百 訂蔡徐通譜授梓馬余從使君署中手擘輕紅因戲 古今詞人往往注類而侈譚之晉安徐與公先生更 宋蔡君謨纂荔支譜牒迄今五百餘年閩品號為奇絕 之覺流膾吻齒問液津津不能止何必箕踞樹下啖 歷為信勒斯荔譜成一家言 類也用東屠田叔使君來為吾閱農府丞稍為考 而廣之其擔摭富其蒐羅博其詞米陸離予取 黄履庚荔支譜序自 取 而

人関故以此姬重此姬籍與公寸管殊沾沾而生氣

為第一即巴蜀所產能挾一騎紅塵博妃子笑者亦未 黄郎且粮南宫御女呼十八娘來玉珮珊珊将母以十 得與之雁行自祭君該學士著譜聲價頓起時運進遷 為南部之勝事矣 獨擅造物者巧閱之以待千載剖抉譜而行之皆吾閩 經抒鬱瑶華佳卉舉級穎端荔支抑何寥寥即益南天 二拳之夢酬與公即使君笑而頷之余獨怪靈均以騷 先諸君子也通譜行為終衣之稗官為端明之蓋臣 曹蕃荔支譜序閩中果實推荔支

武空日車至書 一人柳定廣草方時

負虚聲者此來將為荔支定品乃閩人士之言曰閩 · 鵲橋踰两月矣養發稍歇無非咀嚼此果津津乎 不及福 遂於今歲暮春之初馳入閩中謂閩人士不安素惡 俱為荔支壓倒曾不敢與為伍余縣聞其說編編 即永嘉之柑洞庭之楊梅宣州之栗熊地之頻婆果 植繁行品格變幻月盛日新聞人士爭哆口而艷談 延建汀邵地屬高寒時降霜霰不堪樹藝漳不及泉 與君請自武之余遂棲遅於二郡問泛消觞

欽 插 今通知関人之譽言非誇也緑葉蓬蓬園園如益扶疎 有味不敢妄肆譏彈而品遂定一日閩人士造余即 問曰聞君日啖三百顆曾與荔支評月旦乎余笑曰余 定四庫全書一人即定成季分語 檀郎吾爱其香幸白長慶之叙事傳神張曲江之賦 照耀林藪吾爱其色絳囊乍剖賴珠初薦瓊漿玉液 天赫曦若避吾愛其樹界累丹實槎頭掛星晴光 如畫此果已蒙九錫產類實非八閩唯端明蔡學士 醍醐吾爱其味濕帯露華寒凝絲雪薰風暗度疑

仙也佛也實無一物得擬者江瑶柱河豚魚既非其倫 號之鼎新抑或今昔之異態余如未及大嚼而漫曰某 經品題遂爾增價但今據譜牒中所載三十二品而索 與化軍人也生長於扶荔之鄉聞見既真殿最不爽一 之陳紫江緑勘矣即彼稱中駒十亦不得二三豈其名 . 基住幾於耳食恐窩內爭嘲吳人迺為閩人左袒致 家果减色余滋愧矣遂僅舉曾嘗試其風味者二十 種自稱為支小來云 宋珏荔支語序荔支之於果

欽 幸與此果遇且天城戰量能日哦一二千颗值熟時自 若霞墩實有可鄒莒視楓亭者人不辨耳余生於莆既 不盡然黑葉之入釀未可以學產輕之莆城外若東埔 郡以與化為最與化又以楓亭為最此人所知者也然 狀乃深於荔支者矣荔支之在天下以閩四郡為最四 定四庫全書 如定廣季分語

也蔡君謨亦云其味之至不可得而狀也夫不可得而 **塲之見耳譬於月以為鈞為鏡為珪皆第二月非月體** 塞滴桃楊家果不堪作奴矣歐陽永叔比之牡丹亦觀

也哉既私喜於荔癖獨擅果然之餘不能自秘自祭譜 余每歲婆娑樹下有十餘萬在腹中又何嫌蠖屈海脚 世本為口南來萬里真良圖語雖激亦有味乎言也况 初威至中晚腹中無慮藏十餘萬而喜別品喜撿譜始 以泉浸繼以漿解磁盆筠籠一物不具則寧不噉蘇子 刻見示因俾之以廣同好亦玉照堂梅品遺意也 徐氏譜外別著食譜三百餘條未遑詮次適道協以 云日啖荔支三百顆不妨長作領南人又曰我生涉

第之當定也六以古人比擬之實速也七以畫手寫生 岩集録或可歩王踵張云雨 之失真也軟好所聞聊為博笑其佐議未敢鍼徐砭祭 慈採之未盡也四以詩家錫名之未安也五以嶺南品 教言不揣末學輕為蛇足者亦有說馬一以君誤墨本 欽定四庫全書 一人仰兄廣至万福 與印本之頗異也二以各郡聲稱之不一也三以與公 古列品明備與公採集羣書爭奇扼勝合此二譜誠難 鄧慶家荔支通語序荔支一物種類實繁君誤摘解簡 林古度荔支通語序数

道協通譜尤以漢唐宋明人詞賦詩文為侈觀覽予得 唐以後之語為者賦詠為者又莫不借貴妃以為故實 賦詠譜録表著其名品可見物之遭遇亦自有時也我 支一果有天地以來則有之乃至漢唐宋諸名賢始以 徐與公繼蔡忠惠譜宋比玉曹介人復為小譜今鄧 即楊貴妃一婦人女子偶甘是物而名為之益彰自 能名實相稱使干載後人人爭為表著若此宣無故 協又合具放信為通譜荔支可謂有知已矣夫一果

僅可與比之滿筍比南人不以為然蓋護短也噫翁之 説增明周宣荔陰説昔書讀蒙泉翁論著曰荔支流品 以務實為自勉馬 與草木同腐朽而已不深處此木實乎因序荔譜而並 有不若相如之逢狗監也倘樹名於外而鮮實於內徒 不副名耳士之才華人品苟能如荔之色香味俱伍未 抑何厚幸因數士人之知遇何異荔子遭逢第患實

佐其撫採評訂之勤即戔戔賦該亦獲附明人作者之

豫章同德而比義者也北人不及知南人有之而不必 雪交之不疎不凋荔之陰益與祖之松建之格吳楚之 密葉數蔭席地日交之而翠陰成月交之而金影碎風 荔亦自病之矣翁首守也安知其意不出於此哉長柯 意微矣夫務為果以實重陰不與馬紅網紫稍龍牙鳳 亦南方植物之珍耳一騎紅塵千載而下非但人病之 以日啖三百類為言若不知其詞之饒馬噫美則美矣 **爪之夸詡先後篇贖雖東坡老人於流離遷謫之際猶**

盡知也 たこう Ď 御定廣孝芳譜

御定佩文齊廣摩芳譜卷六十 金灾 卷六 +

御定佩文齋廣摩芳譜卷六十 津可尚以故識與不識咸稱譽之唐天寶間天子閒其 鵠首鶴頂牛心虎皮為人華而實確而質內含章美 欽定四庫全書養要卷一萬六百二十四子部 たこう与 4 一一御定廣庫芳譜 一顯於漢殿後種落散處閩中為盛離生而形狀特異 **漂傳增明王褒洪離傳洪離字成林蜀人也鼻祖側** 荔支二

持命釋褐肌膚潔白上曰玉色英英照人中何物也離 驛傳以迎馬既至同盆成子虚水侯上謁時盛暑上 恐見罪不敢忝居喉舌之位上撫之再四曰名不虚也 名采而致之使者冠蓋交於道猶慮其來之緩也特設 心乎離從容稽首日臣遠方賤士也自謂深根固帶一 俯首對曰特一赤心報陛下耳上大悅錫爵紅陽侯奉 **沉香亭趣而入上笑曰聞卿名有年矣卿來能啓沃朕** 間足矣切以先容獲薦左右然臣起退陳酸寒都

皆未若閩之大著耳 終於蜀孫枝入閩奕葉繁行遂為巨族有一派居領南 朝請賜予數召對無虛日後官貴人邀而食之開懷欽 餘無子龍衰間陳夫人以相如賦復幸亦奉金鐘千求 側生女隨尉伦入貢帝見其美爱幸之為築雜官居歲 皇帝侍妃也不名綠玉其先世家於南越漢武帝時 會過其意而後已久之執法大臣謂離弗能裨益治體 何往來屑屑不憚煩也請罷之上用其言由是疏馬後 j: 臣 二二一一御定廣屋芳語 謝肇制江妃傅江妃者唐玄宗

3

開元中生母方姓時夢繁星繫繫從天下已取吞之覺 相 有殊色肌理脈白如玉無少疵靨體有異香好製紅繒 而命筮得離之頤曰銜珠黃鵠生錫一東去其國三歲 和帝時詔歲貢采女以備掖庭後用唐羌言罷之処以 不復是女也而艷必大其宗果以季夏之望生妃及長 一翠幄中市里罕見其面時貴妃楊氏龍冠松房而如 橋處穀若栗楊以碧衫豐膚內映益增其妍然常 賦賦上不見省卒幽長門中然家世産好女子

賢采華如實博羅筐筥之媛以佐蘋藻之馨盖有年矣 貴妃帝聞心動而先是左丞相張九龄又盛稱妃之美 京至日車全書 一人御定廣庫芳譜 水冰心雪質奪漢掌之金莖今遣大將軍高力士持節 冊封叔妃位貴妃次於戲玉食萬方子豈有爱於喉舌 不容口遂遣中使乘傳遽召如促者絡繹於道以天寶 五載六月下旬得幸於華清官帝大悦制曰朕味道渴 才人江氏德惟邁種姿擅炭脂國色天香沁吳宫之芬

有姊杀蘋先入宫得侍帝從容言其女弟鮮姣欲以

道士羅公遠以術致江陵村百顆西凉州進葡萄數 言自媚於貴妃浸入肺腑得其靡心貴妃不嫉也一 電過日隆每食未嘗不侍側然如小有智數時時以甘 小星三五爾蓝自固其衾褐食哉以時無廢朕命自是 逼於貴如不自安常以顏色非故求自疎遠每歲僅 再見上上嬖益渥併賜采蘋號梅妃寵與貴妃将三人 與貴妃坐沉香亭擁妃於倒時方盛暑上有消渴疾 |請左右日爭如我江家並蒂瓊漿風味乎然妃終

要巴蜀間遂以離為姓生其苗裔也生少有異質類如 其先祝融氏以大德王都南離子孫纍纍散處閩越南 烈日中又加炮烙曰使老嫗黨面聞者傷之後左拾遺 **昭君村云** 既敗竄其族於閩廣間然子孫猶美麗稱江家種以比 杜甫紫微含人杜牧忠州刺史白居易皆有詩弔妃妃 楊梅尚不堪作奴貴妃采蘋聞之大怒以事据摭妃彖 各自於其色官人或微問帝帝曰江家妃神仙中人 徐熥絳囊生傳絳囊生者名丹別字太白

2

一一即定廣な芳浩

雅習生乃以盧楊並稱時論屈之元鼎六年帝建離宫 置五里 嘗有所談刺人有督過生者任其指摘生但賴然垂首 渥丹肌肉豐瑩性復甘美雖中若刻核而外多模稜素 處生其中生素長南方北地苦寒雖沾渥恩顏色枯 初時天子求海國異才南粤王尉佗以生入貢十里 相如曰其才在盧郎楊子問甚稱上古相如故蜀產 與人交 **堆得達京師武帝獵於上林問生於司馬相** 膜之内洞見肺腑故見者莫不津津

欲致之時生方結盧於蜀之洛州許擁傳上謁生以 梓之地人皆稱為絳囊生云唐天實中楊貴妃聞其名 衣朱衣肘後常繫絳囊貯金蓝露往來於七閩兩廣縣 騎馳至顏色自若如召見沉香亭賜緋一襲丞相曲 江 大官請罷之上可其奏生既落職遂學玉液選丹之術 過有司供具甚費臨武長唐羌謂生縻濫廪禄無益於 張九龄作賦贈生名益顯其後車駕幸蜀生亦遁去襄 旦以計自脫守吏坐誅者數十人生每歲朝京師所

一一即定廣學芳語

艶貌與生肖生晚得道常挾黃頭奴號旁挺者先後婆 女弟十八娘者容色殊絕與閩王審知少女以紅妝 南豐曾輩知福州為修實錄以為有邁種之德有侧生 繪像為詩費之未嘗一惜齒牙生族類既繁而閩中尤 陽人杜甫避難蜀中其所吟詠多及生元和中太傅白 居易出守南賓時與生為臭味交以生美容止命工史 **風宋端明殿學士蔡襄為作譜牒叙其本枝奕葉甚詳** 於林藪間其後大丹既成遺棄軀殼尸解以去不知

交州若瀘戎又其别支也春秋不甚顯漢時族始有聞 畧然子孫在閩中以未紫起家者不可勝數語曰桃李 **媼抱泣卒全其天年幸矣端明迄令五百餘載譜牒缺** 渴補髓有功於人非虛語也黃巢之亂幾膏斧鎖以老 所終太史公曰余讀列仙傳及仙人本草皆稱生能蠲 郡人其先若木氏之苗裔子孫散處閩中其居嶺南若 娘者開元帝侍兒也姓支名絳玉字曰麗華行十八吾 不言下自成蹊吾於生亦云 黃履康十八娘傳十

羅襦内裼以輕紅絲袷懸水晶環光如警當玄宗時 麗至夏季姬生膚如冰玉色深紅而體微細長喜著絲 祖曰丹嘗佐漢國東海後又以丹為氏永元中有從交 傳勅中使趣召姬日行千餘里姬去家久心摇摇如懸 益茂其母綠陰氏夢繁星離離墜於懷卜云當得女而 太真與江采蘋并寵擅披庭一日采蘋侍從容言妾里 聘入官者以臨武長唐羌言而止傅至唐開元間族 定匹库全建 見る 八娘者色麗甚帝心動而太真亦雅艷慕之置騎

香者陳紫者江綠者皆以色澤著又有居火齊山者為 敢進獨與姬散無厭紫被舍人聞而嘲之世所傳一騎 此風韻不傾城耶姬口極甘善媚人太真妒諸姬侍莫 水晶相掩映帝與太真置膝上撫弄移時顧姬笑日如 液池即名見光采襲人以水晶盤貯水命姬棒進色與 在貌亦稍減前而風態猶存姬至帝方擁太真觀蓮 為姬家著譜私諡姬為絳衣仙子姬姊姪十有二而宋 紅塵妃子笑者指姬也宋端明學士蔡君謨姬里中 ここりら とう一人御定備奉芳譜

記增明曹學住石倉園荔支問記荔支閣介於雙樹 寒酸其風韻不及姬遠甚外史氏檢唐書野記得

荡支名記荔支者果之牡丹也牡丹盛洛下洛人士

執時未實離離可扱而食不煩假手於拳摘矣

樹有敬侧處人行蹲而避之坐露臺如在緑幄中筋

飲水閣去其梯借徑於養之別室以梯以橋皆因於

固有坦絲之而枝葉扶球特出垣外作叫龍勢競舞

望之矯若蒲牢在藁者金鐘也蛾眉淡橫素馨清婉丹 中觀也石中棘表其服肩肩然神漿傷顏質爾沒犀別 也色澤匪殊風格微減並驅中原二乗先登而局隨者 **植而艶莹而腴甘潤軟香得一可勝百者狀元紅也團** 飲定四事全書 ●御定廣摩芳譜 格甄竒不緣貌勝者桂林也砂神玉理既癯且修政予 若臍族若稜錦膚而蜜腹百二什二稱東西秦者勝畫 滄澥寥廓丹裝在望寤寐耿耿懷之好音其詞曰荔有 而譜之荔獨風聞譜可聞士闕哉鶉人之次炎歌載殿

芳開我後人搜奇君子是之取爾彼碌碌餘子者何以 枝小乗猶隷法門海山無奇實沿衣鉢譜而次之儷於 進比之產玉暗乎後塵萬鹊蛋蜜香歲寒獨秀海山先 韻彌嘉邈馬寡倚者勝江陳也海山先而酢山枝織而 稱馬嗟乎元紅勝畫涅槃之宗色相遍與咸得正果山 篇增宋祭襄與七哥制幹熱甚不審尊體起居何如 深謝故增妍憐者清林香也深碧淺紫獨兼二妙風 晦今歲務子不熟土産早者既酸且少而增城晚者絕 陽於與蔡端明遂爾大暄不審氣體何似前日瞻企為 品當持獻耳 送荔支與昭文相公襄再拜宿來伏惟 台候起居萬福閩中荔支唯陳家紫號為第一輛獻左 國中荔子新熟分奉四百枚今歲楓亭熟旨晚候有佳 支圖已令在整傳寫自是一段住事 蘇軾與歐陽知 右以伸野芹之誠幸賜收納謹奉手狀上聞不宣 歐

不至方有空寓嶺表之數忽信使至坐有五客人食百

枚飽外又以歸遺皆云其香如陳家紫但差小耳二 重務子雖肉薄甘味亦勝點中細事悃高明唇垂意 有此異哉異哉又使人健行八百枚無 黄庭堅容安撫王補之寄餘甘筋子極行逐 損者此尤

支肉别貯其自然汁以水解白沙蜜漸入和合合味

周旋曷勝愧感

再答王補之某所作荔支涉摩

勺又令入湯小半盏煎沸用紗囊盛龍腦光撲热蓋乃

荔支肉上大煮減半以瓷合貯之計客數人

楊梅左祖詹録君稍誇樹下時風味差勝然大要不相 乃施使君書云吳兒但解敢朱櫻不太夏蟲我乎一 答王侍御懋復用昭誇荔子之美甚盛欲以楊梅敵之 漢雌雄矣 答施觀察茄子之惠太夥召客歌之皆為 紅塵何足騎異時僕得就公案頭日啖三百颗當決楚

九 己日 日 二二八一、御定属草芳語

荔支已勝嶺南珍重眷與之意無以為喻

明王裤登

惠荔子色香動人眼鼻誠與山煙溪露俱來乃知變峽

與曹使君伯達某再拜於伏承手誨分

生氣滋潤可藏至冬春色香不變此語頗異閩中不之 慶家與黃海鶴徐譜謂常逐鮮紅者於竹林中擇巨竹 **奪之耶徐譜神其說更啓後世之感** 好事未當見有鮮果至春時也記得院堅之司理閩日 一熟時則已帶落安得久視况此至貴之物能以人力 漢如公云櫻桃者安敢當是欲射干而類芷耶 八以棕包郡庭荔子至冬開視則已枯落作臭夫 一竅置為子節中仍以竹釋裏泥固封其除籍竹 舒

地任物之自然物生有常理斯之謂至神圓方刻畫不 赛靈神水陸珍羞満案陳最爱鮮紅盤上果荔支如錦 **務留至春時往往目擊之家凡元夕詞有云閩山廟東** 非僕之臆説也三山元宵最盛而神廟中各出珍竒牛 足下謂僕藏生荔支於巨竹中神其說啓後世之感此 題跋增宋歐陽修書荔支譜後善為物理之論者曰天 则知吾言之不誣矣 色猶新此一證也足下居與閩山最近試詢之鄉長老

た 日 日 日 日 ● 御定府屋芳譜

詩於有無之間故謂之神也壮丹花之絕而無甘實務 尸之孰為之限數由是言之人若有為之者是皆不可 任之自然矣而其醜好精麤壽夫多少皆有常分不有 以智造而力給然千狀萬態各極其巧以成其形可謂

賦予邪然斯二者惟不無萬物之美故各得極其精此

於造化不可知而推之至理宜如此也予少遊洛陽花

之盛處也因為牡丹作記君謨閩人也故能識荔支而

支果之絕而非名花告樂天有感於二物矣是孰尸其

務樹擅名宋香者世傳舊屬王氏黃巢兵過欲斧薪之 譜之因念告人嘗有感於二物而吾二人者適各得其 **卮酒俾予摹寫詠歌之以紀良集** 根本蟠踞層陰敬虧恭政公移席其下慷慨懷古酹以 斧狼蔡端明亦譜其畧時之相去五百餘年樹益向榮 王媪抱樹號泣賊憫之斫樹一斧而止荔子迄今核有 師夔題荔支圖後至正癸卯燕會於宋氏之庭庭有古 之詳故聊書其所以然而以附君談譜之末 明林琛題荡支圖

にこ」 うこう 御定備草芳語

ナニ

紫又其尤也樹距作譜時已三百種迄今又不知幾此 香為特盛蔡公譜乘謂陳紫種出宋氏則宋香較之陳 後莆中名産稱荔支為殊品而荔支之尤者惟陳紫宋 所作畫圖來微記於余永樂乙未嘉平月書 又戚然懼其復失也一日持蔡端明墨蹟及張氏師 洪武間相繼奪於戎衛之官宋子孫不克復者二十餘 **載迨永樂初年始返業於宋宋君文用者驟復而喜已** 著增明徐燉紅雲社約清異錄云劉錄每年於

僧買其樹熟時往食本宗上人主之西禪中冠甲於城 同志平遠臺法雲寺白蜜二樹異品也必先半月向主 林香香倍衆品唯林氏有三五樹非至親往求不得入 大モョラム → 御定廣庫芳譜 八馬恭敏賜葬之所極繁極美馬李聲主之尚榦清

蜀今歲雨陽時若務子花頭甚繁樹梢結果纍纍欲紅

熟時設紅雲宴余恒想其風致吾園務子甲於領南巴

自夏至以及中秋隨早晚有住品今約諸君餐荔支會

善啖者許入不喜食者請毋相溷先定勝地名品以告

高景倩東山別業有此種今歲生尤繁盛景倩主之 足以他品余主之楓亭荔子名甲天下核小香濃一 岡中冠為福州第一品公至其地始得逐食但路隔 城陳伯孺所居與林氏至近伯孺主之磨盤大如雞 水非舟楫莫至謝在杭主之勝畫出長樂六都更有 夜可達會城色香味未變周喬卿前人也主之桂 一難引子亦出六都同時而出在杭長樂産也再主之 一株楓亭種也今歲結實不甚多食畢

僅慰足音未能果腹越歲戊申荔始大有年而社中 賦詩盡一日之遊願同志者守之 已不得沉湎濫觴混淆腸胃每會必覓清凉之地分題 千顆太少則不飽會設清酒白飯苦若及肴核數器而 余自壬辰離閩丙午始返十有五年未獲吸故園荔午 思之常津津齒咽間也迨丁未夏無務即有一 一御定廣摩芳譜 謝肇制紅雲續約 十四

吳元化鄭孟麟主之會只七八人太多則語喧荔約二

種味極甘美凌晨皆於萬壽橋貨幣間有挑入城者

憚會頻當連數日共戰以極行樂之趣一將能市則 子鱗次比集因思晉安此品甲於字內幸而生長其地 會而不依復條所未盡者如左以與同志者共守馬 又幸而十七載始進其熟也河清難俟髮且種種明年 初出市則新香可爱勿嫌味酸勿憚價貴當集同志 之馬首北矣可虚此日月乎於是社中諸子唱為餐荔 以開勝會之端一正滿市則光景難虚勿畏性熱勿

紅可惜勿厭冷落勿憚搜尋當倒筐筥盡噉以成美事

論遠近各採數類以廣異聞無闡幽鬱 宋珏雜紀余 郭指荔子丹為歸期與妻孥別亦曰墻東一樹留以待 無染指之期一品未收已有遺珠之嘆凡我同志幸悉 刻荔支食譜成即治越裝三月十五日也親朋相送北 林採拾之餘村落家藏多耳目罕見之種跬步所限終 以懷或奇植異名傳乗弗載或家傳手時羔鴈所遺母 譜志記載甚多會城種類有限沿街擔負皆園

大 AL 目 A LI 一御定廣摩芳譜

我若東埔陳紫王樹余每歲得飽噉者陳六郎書至謂

茄樹者屆辰盡摘供養即在村落亦必満擔入城雖霞 盖多至廿日外諸名種次第堪摘過此則松當出干樹 如晨星矣是一年得歌荔子者自五月晦前後造七月 墩楓亭東埔諸名品未盡熟然供養之餘因而飽噉者 丹始泊姑茂城下先一日為實陀大士現辰莆俗家有 初旬僅可四十日耳無端客姑茂復十餘日翹首故園 為村如白榆之在天上每與同行翁君譚及較夜分一 水歸吾東西樹不摘也無端留滯柘浦至六月既望

超者每畫一枚孫生拍掌大叱以為奇翁亦從傍嘆贊 讀君誤譜乎亦曰殼薄而平瓤厚而瑩剖之凝如水精 明掩映數里之間焜如星火非名畫之可得而精思之 **貌陳紫宋香以示君於是舟中無事東坡所謂指如懸** 食之消如絳雪又曰暑雨初霽晚日照耀緑葉絲囊鮮 不伐不伐新都人問荔支之狀何若余曰難言也子不 能寐翁曰休矣如此説食還能飽否明日傳其語於孫 可述然居易常為之圖君謨亦令崔懿寫生無已吾亦 一一即定衛星芳浩

務酒傳神且能以素馨相掩映此其人宣尋常也哉于 寫且畫共得四十五枚色澤膚理與生無別但不能有 偶見新安程孟陽墨寫荔子間以素馨數采一面書殷 香味耳因憶主寅夏日客建州僧倉亦不得歸敬荔支 憐其意口占一歌附方求仲往今七年矣不知此扇已 司馬坐上飲荔支酒歌畫雖不類而歌奇古有韻堪為 云咄咄逼真余笑謂翁如此饑看亦復飽人耶於是且 孟陽及孟陽見歌以為何如也今既寫圖并錄雜詩

務支者以耳為目復以耳為口延垂至踵思寒震濡足 寸晶珠盈丈珊瑚以歸不容易也此吳越好事一間生 者未必肯見此果得見此果熟時得敢敢又得飽飽又 支而至者乃土人耳目所慣恬不知寶晶珠珊瑚視與 得福嘗名品此直探鮫人之宫入齊奴之室恣取其徑 而無從也然世不乏好奇客竟未有越千里百里為務

與六即快讀一過不至移文相說爾 荔社約生閩海

於左庶幾歸見親朋妻孥藉以解嘲或張之東埔樹下

去夏客雲間苦憶此物今當不輕放過遂於六月六日 復參差不果幕春方次道見過余預及之次道善日吾 希奇靈異之物而能珍惜之留護之結以同趣集以表 **廿桃甜李無異余故有清福黑紫之喻里中同好既稀** 辰幕以濃陰浴以冷泉披以快風照以凉月和以重碧 食量亦罕每欲招數友結為一社如蓮社梅社之類亦 **光集林漁伯受伯之准園約日一舉至荔謝而止夫以** 以寒漿徵以往牒紀以新詞雖跡溷塵壤而景界仙 定匹庫全書 一一不

尊不能與我革作敵明矣 都身坐火城而神遊冰谷寧獨吳越好事遙想不得即 白傳劈紫綃於南賓蘇翁薦虯珠於嶺表亦第無佛

道協所者通譜詳矣往時閨學各於其勝余謂兹果何 頌增明韓上桂荔支頌并序果之美者曰荔支余友鄧 此兩鄉即瀘我間固儼然稱南面孤也因憶白香小

侈牡丹或憎火熟或苦凝寒弗易厥性惟土是安牡丹 評語而為之領領曰思稽羣植疇據竒觀果推香荔花

こ甲しては日本の前

扶為官宗例生賦重吾鄉九龄雄詞競諷亦有君誤譜 角環瑋咸於選開陳紫閩福尤名一經妃矣瀘產為 最惜櫛比駢聫充盤映席種先南海次數增城龍牙犀 掌珠莹漬牙雪釋作嚼怡神飽餐資液香味無妍姿顏 特皆瓊漿花僅屑玉果乃稱王星羅霞布盖擁恃張 分伯仲道協後興搜羅靡縱既操令品載省豪奴將 色丹賞其施務珍其實余長荒崎未審姚黃撫斯玩斯 欽 聞務亦晚出風雅罕傳騷篇恨逸迨漢迄唐二物吐 定匹庫全書

|蓋桂之性熟私其鄉根不踰域含章可負匪积其稱逐 瑶柱想格之高宣惟甘故饞者所嗜蝤蜂斫雪詎知微 樹而飽亦得美陰清和宜人焦風竹韻音口固爾比 抱冬夏青青松柏之操火德離明蟲不敢近待人而採 載籍遡厥本始時損其膚未隕其美二紀而實功成合 旁挺後勁寧孤天然作對白老匪誣置華旌實猗數版 龔之祥荔支頌世珍鮮荔日色味香五日盡去遠 一般此卵解白鳳膏結裝車與船奚聞芳澤爰考

嫱施之慕能不企而凡可以食鮮可以酒綠兮流液紅 酸偏滋禪悅瀘我下品猶津女妃矧伊烏石殊族呈奇 吾友谁其致之酌以大斗

瑠潤作和壁奇踰五黄仰嘆麗表俯等嘉味口含甘液 若朝霞之映日離離若繁星之著天皮似丹罽膚如問 若大厦之容鬱如峻岳之勢修錄紛錯綠葉蓁蓁灼灼 賦原漢王逐荔支賦暖若朝雲之興森如横天之彗湛

腹受芳氣無五滋而無常主不知百和之所出卓絕

卒此志莫就及理郡暇日追叙往心夫物以不知而 知而固未之信唯舍人彭城劉侯弱年遷累經屆南海 方不通傳聞之大謬也每相顧鬧議欲為賦述世務卒 郡出荔支馬每至季夏其實乃熟狀基壞說味特甘滋 而與筋支齊名魏文帝方引清萄及龍眼相比是時二 百果之中無一可比余往在西掖嘗盛稱之諸公莫之 聞斯談信復嘉嘆以為甘旨之極也又謂龍眼凡果

E] 是 a by 【御定廣奉芳語

〒

而無傷超聚果而獨貴

唐張九数荔支賦有序南海

禀精於大離乃作酸於此裔爰負陽以從宜蒙休和之 味以無比而疑遠不可驗終馬永屈况士有未效之用 每次日本有表效之用 實遂作此賦云果之美者殿有為支雖受氣於震方實 如惟之垂雲煙沃若孔翠於斯靈根所盤不高不平陋 而身在無學之間尚無深知與彼亦何異也因導揚其 文組理堡葉鄉枝箭鬱而點對環合而焚纜如蓋之張 下澤之沮洳惡層崖之嶮戲彼前志之或妄何侧生之 播沙寒暑而匪虧下合間以推本傍陰畝而抱規禁

穗靡靡青英茨茨不豐其華但肯其實如有意乎敦本 見疵爾其勾芒在辰凱風入律肇氣含滋芬敷盜盜綠 **竦企見者訝而驚仡心恚可以蠲忿口爽可以忘疾且** 甘滋之不一伊醇淑之無準非精言之能悉聞者敷 故微文而妙質帶葯房而攢萃皮龍鱗以解比膚玉英 而含津色江游以吐日朱苞剖明瑞出炯然數寸猶 可匹未玉齒而殆銷雖瓊漿而可軼彼衆味之有五此

欲神於醴露何比數於甘橘援蒲詢以見擬亦古人之

こ中心情學方普

飲定匹庫全書 ► 1 所榮冠四時而為最夫其貴可以薦宗廟珍可以羞王 綺續有終食於累百愈益氣而理內故無厭於所甘雖 斯果在馬莫不心侈而體泰信瑪盤之仙夜實班筵之 口军獲知於貴躬柿何稱乎梁侯黎何幸乎張公亦因 不愈而必爱沉李美而莫取浮瓜甘而自退豈一座之 深失若乃華軒洞開嘉濱四會時當與煜客或煩情而 里兮青楓何斯美之獨遠嗟爾命之不進每被詢於凡 公亭十里而莫致門九重兮曷通山五嶠兮白雲江千

徳於炎方結荔支之嘉實禀純氣於至陽含滋潤於雨 露達嚴凝於雪雨碧葉素榮縹帶丹房膚如龍鮮颗如 得食其生者因感而賦之其辭曰伊天地之大美種火 張曲江嘗賦荔支美則美矣然未盡善也余來閩中始 地之所遇孰能辨乎其中哉 之妙味吐自然之清香此荔支之大畧也全而觀之亘 如丹鳳之方卵而未雞破而窺之瑩如老蚌之既剖而 **料為殷白玉為瓤液貯甘露核藏丁香醞難言** 增宋李綱荔支賦并序 麗天一食千顆 置之華筵匀圆磊落若火齊之堆盤溢 張公大谷之架果侯烏椑之柿曾何足以比萬分之一 域蒲萄色沮情恧遜美推高矧夫剝棗浮瓜來禽青李 音如瓊醴吸沆瀣而羞醍醐談辯莫及丹青難圖百果 見珠投而出之繁如姣姬褪紅裳而露玉膚咀而嚼之 實耀日含煙一望萬林列於名園璀璨炭煌若繁星之 退避孰敢爭胺至如厥包橘柚先薦含桃鎖去龍眼西 二哉秋夏之交蒸暑敵然畏景馳至薰風入經著花結 定四庫全書一人在次月本方言

欽

喪志亦所不取開元之未如子最憐萬里驛致來自蜀 航入金張之要室學之神藥致住人之尸千金市駿馬 馬爰有狷介之士負罪遠謫適丁其時偶得而食不煩 於至日中八二日 ▼御定廣厚芳譜 川死百馬於山谷望一騎而嫣然荔支則遇而天下病 寓意卒章惜其不遇殊不知草木之性各安其土玩物 之骨氣格精神初不得其勢弱也皆者曲江嘗為之賦

色味與香變於三日曝之為乾漬之以蜜汎鯨海之巨

甘芳於齒頰實元氣於丹田宿酲可解沈痾可痊若夫

後賦以訂之其辭曰客謂梁谿病叟曰玉局翁以荔支 寓居長樂於今又四夏矣備當住品究見荔支本未作 比江瑶柱與河豚豈其然乎病叟曰否擬人必於其倫 沙陽次年夏始食荔支當為之賦後十二年歲在辛亥 \

歌正猶衛懿不可以好鶴而幽人得之適所以增其逸 傅送之勞以資口腹之適快平生之素願飽珍味而無 荔支此非我力 荔支後賦并序宣和已亥歲余謫官 阮籍之徒得全於酒而義和酒淫乃廢時而亂日且食

陳紫方紅江綠宋香細若雞舌絕若硫黄虎皮瀾斑龍 寒又如明珠包裹絳囊煥彩外耀皓質內光其品則有 牙銳長出殼區仄玳瑁文章數玉豐膚星毬照江千類 1 一人御定廣庫芳譜

兼美自然芬芳宛如住人題服靚妝冰肌玉骨錦衣繡

於灰方綠帶團團丹實煌煌香吐芝蘭液凝瑣狀色味

非鼎俎之正味何足以得荔支之髣髴也惟此荔支産

狀惟詭藉薑桂之餘滋薦樽罍之芳亩快一瞬而稱珍

惟物亦爾彼河脈與瑶柱在海物而推美厥臭惟腥厥

欠己ョ

乎椒房此亦天下之至色也相被二物標格高奇名雖 候飕飕之松聲滌煩蠲渴愈病析酲此亦天下之至味| 時製作惟精蒼壁忽破素塵乍驚甌汎霏霏之乳花湯 萬族不可殫詳夫宣瑶柱河豚之所能比方也客口然 郁乎天香艷玉欄之流霞列錦幄之明紅價重千金冠 也洛陽牡丹百卉之王鶴白鞋紅魏紫姚黃嫣然國色 則何物可以擬之病叟曰建溪臘茗仙草之英採扱以 緊種有多歧等長度美可並務支永叔君誤序而譜

粤者進則二果輕忍將遜美以推先而况其凡乎若夫 漢貢南海唐驛西川皆荔支之下駒乃並爲於中原當 之如三國之鼎峙各擅據於一陸角力爭勝未可以決 時所見得其粗馬宜乎品藻之失而議論之偏試使閩 其雄雌也客曰臘若牡丹則吾既得聞命矣敢問百果 薄漿多酸而不甘與圖學之所產殆不可同日而談也 之中孰與為比魏帝方之蒲萄唐人推於綠李亦有謂 乎病叟曰荔支之生厥土惟三西則巴蜀連旦崎南肉

主五

吾之天年子能棄世事而從我遊乎客點然態逡巡而 之勻圓上滋絳宫下灌丹田怡性養壽超然自得以盡 遺物離人倒冠落佩買山灌園植千種之陸離擇萬颗 益辨與飢渴之無解微荔支吾谁與歸方將体影息蹤 匹也然相可食而不可多於療飢而不療渴惟食多之 **侔珠璣咀嚼不倦玉池生肥思其次馬亦皆荔支之亞** 洞庭之相熟凝玉雪清香溪手累日不歇若雲之芡實 范成大荔支賦并序紹與丙子夏有自行都的

哈浦鈞之甘酸籍以秋雲之中薦以水晶之盤羞以燒 |琴以侑之且為之赋時為新安據吾聞南國之南水激 **賣餘新荔子者坐客稱歎窮山所未當有呼酒更酌鼓** 襲橋桃而中單湛冰明之淮淮聚玉粒之團團翁生香 而山蟠鍾具美於一物緊化工之所難摺絲約以在服 之令芳运仙液於微瀾走候置其萬里上玉宸與金鑾 於類端斥蜂蜜之黃膩謝佛桑之紅乾覺龍目之么麼 (人間之流落纔千倉之一單鉤江南之病客索孤笑

てこりことに一八即主演學は方塔

荔支之仙人若平生之所數謂容子其少留紛擘緣 路暗儵浩蕩其天寬岌芳宮與繡戸窈玉聲之闡珊款 清庭沙雲海之漫漫 破丹招玉環於東虚御清空之雙寫訪長生之舊曲有 春之浮略相以流水之清彈追風月之溫麗耿星河其 干載之遺歎悵三山之回風驚南斗之闌干亂梧竹之 (天之風翰望涪江與閩嶺麾八極於雷鼾方冥淡其 **嚼而三熊豔玉池之清寒恍醉夢之翱飛掖** 明胡宗華務子賦登尉佗之荒

巻六十一

一文已日重白之三一一御定廣厚芳譜 之高蓋通而矚兮若豐翠之重惟人流大地兮而清寒 |京南離陽明内總華采外施蟠蒼根於深固抱海氣之 於君謨之譜而見序於居易之圖也觀其氣受東震精 或可貢於帝居惟務子之佳品實中國之所無宜驰名 於海區名與味兮斯美香與色兮洵都信南方之異果 朱柿之焜煌江橙盧橋之榮數或叢生於炎養或秀發 **淋漓枝凝糊兮交暢葉染黛兮葳蕤遠而望兮如擎天**

臺過無諸之故墟覽山川之奇勝親華木之壞殊緋桃

雖欲揜而難藏爛如形雲之合敬如彩鳳之翔燈然疑 星正陽膚凝脂兮皺殼肌斂玉兮含聚如英華之既發 知當其暴雨既露凱風微凉花霏霏兮級密穗實靡靡 襲子霜凝絕壑兮而堅剛匪虧材孔大而合抱陰低垂 而從規揚芳聲於海嶼延清景於亭池質之者無斧斤 兮垂青房如韜光以自敛迨有積而後彰林鍾戒辰心 之及憩之者如雲庇之垂以側生而見毀何或者之罔 八珠萬斛照金烏而晝見熻然訝神丹九轉射玄圃而

海之濱植於遐異之方去京華兮萬里瞻天門兮堂堂 薦箋實而格神祖之洋洋彼擬倫於甘橘徒以甜酸而 見齒或比議於蒲萄信其謬說之荒唐也惜乎生於炎 明月之圓璫唇未沾而先嗑口既漱而尤香具甘滋之 列尚何能邊班筍之傍緊登薦之有時宜林守以自藏 柳夾道兮江路遥桂倚巖兮天風長固末綠厠宸楓之 正味食雖餐而靡傷可以充席珍而娱賓客之奉可以

流光堆於雕鳳之盤薦於畫錦之堂擘輕綃之絳膜吐

東 N 日 日 4 日 一人御定廣庫方語

猶閩囿之下丹也往者忠惠之書譴於方氏橋二百而 蕾金線冰團牛心鵲卵淨瓶蜜丸夫固亞僕子瀘身然 於玄黃幸弗清於凡草同腐滅於飛霜底留名於語牒 龍牙麝囊柳鍾黑葉綠妙出殼朱林星毬雞肝霞墩松 垂百世而流芳 與娟妃嬪之笑兮寧培根枝於深固也與路飛塵之騎 沐雨露之嘉澤爛雲霞以成章隨荣瘁之所遇囿生成 兮寧分清陰於草堂也務植德以滋身願托根於南荒 蔣德璟荔支賦若夫金梭栗玉虎班

其木不燼又若琅玕萬斛鳳九離離芸風氣聞千步又 劈醴津斯睢龍漿斯落又若吉雲露珠一勺昶膜醲英 蘭湯廣上圓下皓肪中沒又若宜主菜溫無骨霧約半 若洛媛含辭未吐寒泉三尺渫浴天芳又若合德初出 又岩水晶积核焦封又岩丁香應吸灰滅又岩甜雪留

·尺 E 习 与 d do | ▼御定廣摩芳譜

井是氿移紫度緋法藍心耻流觀夫伏塔秋回百荔垂

為識竟淪淹於鐸里維鐸及爽誕降嘉姓延壽是孳祥

灘黛葆愿雲形實射退夜星畫燭圓蓋方陣學若火烽

分射越弛服墜裾又若**茵**墀流汁入渠故其冬青春榮 忠惠之書九一產法閩江之殷弱未若茲種暴歷乎三 於嶺南長安盡於巴蜀法部初生明躬暗翻撫酸苞而 **羣族之所伏嗟難得而剛况是以釵頭盛箭雙髻奉獨** 之性絳襦玉膚之狀駁荤辨艷之妝蠲涓補髓之連亮 虚憐恨珠靨之巳禿悝嬌環之解笑固以珹玏為結緣 扶荔之宫積草之池金明摇風十不一易若乃洛陽置 王娘郭袂將軍攤鍋服其實者挹膏漱熟為荔美怪告

沓瑣屑荔不必然荔之為物別有自全勿剪勿伐匪原 皇军連實願登上林比禹橘分 匪田厥根厥本亦風亦煙不知唐室取媚姬娟致勞驛 紅香滿前其品固貴其質可憐衆彼名號後人強鐫雜 住果有荔支馬歷代稱美百莫能先產既炎土生復炎 大為樹嘉蔭為花細妍及其成實外亦中鮮纍纍若若 E 日 一 4 二 御定廣摩芳譜 林古度荔支賦吾園

胎誰其冠者緊延壽兮元鼎風堠宣和航瓦珍非質兮

二之外重曰震氣五滋狎獵的纜生代巧兮荅遝

相接容為言其故送子得發客曰吾家海上勢水板橋 吳儂譬如蛇尸顏色既變滋味亦非於時設酒銅坑喧 其楊梅趙裝度有不忘荔支吳儂請留荔脯當貽客謂 傳予曷能贊億萬斯年 黎遂球荔支賦學客居吳食 蜀澀鼎足殊懸三都見侈萬古難捐漢王唐張兩賦爭 騎反以為愆非荔之過由人所牽君子終諒不倚不偏 敢自專世所尚兮桃棗成仙兩表兩裏色味相無學酸 既充甘食亦奉華筵一切種類畢英能賢雖足珍兮未

骨皆內當吾睡起曳展旋旋手摘目選坐樹似眠幼弟 重五小至蒸然盡熟外若火珠內足香玉核不煩鑽無 有為圓之里種樹之子異種新得乞鄰掠美提筐出袖 颜芳色妍相如已渴留侯得仙飼鳥 暗肥如花特鮮! 延晶九彈脫霞袋蟬連因占朱紱解以形鹽却老還童 就告似此必甜持以奉母自試果然飽能辟穀飲復垂 為園數畝鑿池通潮上植嘉樹外被良苗晴氣如薰宿 雨既朝荔支垂垂自圍樹腰於是紅染鸞頸大倍龍目 う / 二丁一人御定府屋芳譜

宜男則有麻姑仙女臨渡海水投吾古方餐花不死衆 北堂之南新得 土膏屯結實不裏刺色岩血珀瓊液内凝綘衣欲裂搏 類匪一有因而起而吾園之所植其名黑葉低枝濃暗 氣務香醫唇為甘又善選擇手持務籃長歌娱母祝荔 肩壶腹龍鱗龜拆剝而吞之融水沃雪爾乃吾夢還家 **區翠頂紫好云更繼急或就採住必待期異不入市名** 可收獨難務榮蝶翅如餡蜂釀將醢繞樹護持設 一姬其名玉環體若荔膚紅栽荔衫息

羅乎後宫列乎北園 魏文帝詔南方龍眼荔支寧 文賦散句增漢司馬相如上林賦隱夫與棣答選離支 **延賣楊梅贐客以錢** 惠丹粒和水喷滋遂令吾樹四時皆宜雪辨紛郁朱實 夢隨歸子園珊瑚小舌寄頰應存四坐聞之涎湧泉源 西國蒲萄石蜜乎 晉左思蜀都賦仍竹緣嶺菌桂臨 麥差日子之歸行不虞遲客語未竟吳懷爭言願贈予 一一一甲子海母方面


祭體如妾待年他花則妓又有羅浮仙伯爱吾詩脾來

御定佩文齊廣屋芳譜卷六十 迎隆冬而不凋常睡睡以猗猗 崖旁挺龍目側生荔支布綠葉之萋萋結采實之離離 餘甘荔支之林 吳都賦其果則丹橘

新定匹库全書 1

卷六十一

謹案卷六十第二十頁前三行比巴蜀南海又為 卷六十一第二十頁後一行味以無比而疑到本 殊絕利本蜀訛屬今改 比訛味據本賦改





腾録監生臣曹秀以代對官編修臣裴 講 校官無吉士臣侍 如